



H.E. Ivan Korčok

Valentin Inzko



Visoki predstavnik Inzko se sastao sa slovačkim ministrom vanjskih poslova Korčokom

Visoki predstavnik Valentin Inzko danas je održao sastanak putem video linka sa slovačkim ministrom vanjskih i evropskih poslova Ivanom Korčokom.

Visoki predstavnik je informirao ministra Korčoka o trenutnoj političkoj i ekonomskoj situaciji u Bosni i Hercegovini, a posebno u svjetlu kovid-19 pandemije, predstojećih lokalnih izbora u novembru, situacije sa migrantskom krizom te trenutnog statusa u vezi sa provedbom Daytonskog mirovnog sporazuma.

“Ono što građanima treba i što žele jesu konkretna rješenja za njihove svakodnevne probleme. Oni žude za političkom stabilnošću i pozitivnim perspektivama.

Političari bi trebali raditi na pronalaženju rješenja za ove probleme, izradi planova i promoviranju aktivnosti usmjerenih prema budućnosti. Prije svega, građani bi pozdravili jačanje vladavine prava i stvaranje adekvatnog zakonskog okvira za veću transparentnost javnog sektora”, rekao je visoki predstavnik.

Visoki predstavnik je zahvalio ministru Korčoku za podršku koju Slovačka pruža sveukupnom prosperitetu Bosne i Hercegovine i stalnim naporima Slovačke i međunarodne zajednice.